

8

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

T5413/2142

言東洲續集後

宗伯東洲先生之學大雅正

梓之香夫先生為余公

章華集地以

州人士

本

書東洲續集後

哈佛大學漢和
圖書館珍藏印

宗伯東洲先生之集大梁曹子
梓之舊矣先生為當時名公文
章事業窺姚姒而並伊人固海
內人士所欲言而其言而識其賢
者愛而傳之獨一曹君已耶哲

也下里巴人生于先生及第之
年當在髫鬢常慕公之時義而
興焉思一立公之門而觀其大
自謂難矣廼今以職事來揚方
欲遨遊海門以觀於海而公以
避寇適至因探珠璧于趙魏而

得茲集焉然先生吟咏日富老
而益神近時所著又復成帙間
因索而讀之續而刻之詮次於
前者始條理也增廣於今者終
條理也先生文學之大其備是
乎天下後世其將珍傳于無窮

也巳

嘉靖乙卯歲仲春朔日

賜進士出身承直郎南京戶部主

事漢嘉周希哲謹跋

東洲續集目錄

卷之一上

五言古詩

贈石山陳廣文

別張少南

次葉竹西邀予泊凌劍山登高

構居揚州述懷

山遊

出郊訪故人

別程松溪

訪若洞羽士

讀書

憶故廬

庭景

秋夜坐庭樹

病中負燕遊約

荅湛泉翁寄書并圖刻

行園

喜雨

荅鄰父

遊僊十首

客至

次省庵夏日閒居韻

七夕詠牛女

問駟使

七月廿二夜觀樓月

七言古詩

息齋竹

嫦娥抱玉兔圖

羅漢把蓮花圖

壽孫桃源

張侯贈古劍歌

醉舞歌

山水圖

風樹嘆

錢玉山東歸狼山

羲之觀鵞圖

泗涯圖

黃墩封君壽意圖

紅梅圖為明崖臺憲題

仲昭竹為葉生題

海鷹圖

陶雲湖萬菊圖

五言律詩

過江子書屋

再答江子

答王端溪宗伯見懷次韻二首

用前韻答葉省庵沈艾陵二年兄二首

方石橋用端溪韻贈予次韻二首

次石橋見贈韻二首

次沈艾陵詠庭花三首

海棠

竹庭鶴

風折竹

夜坐

寺飲值風雨

同王內翰觀雨竹

苦雨

雪夜見月

暮秋對菊有懷

同隣翁過謝山人

五言排律

平寇二十韻

送曹貞庵七丈令賀縣

月夜庭坐

歲暮感懷簡葉沈二同年二十韻

七言律詩

歸隱聞龔何二中丞薦

壬子新正試筆

遊陸山人園林

中秋夜酌

後園種竹

通城十友釀飲予奉謝一首時避寇寓通

遊曹子貞園亭用前韻

通友邀登狼山四首

寇退東歸凌劍山贈芍藥二本戲謝一首

九月移牡丹

九日修庭菊志喜

壽邢尹

遊蔣東瀾侍郎南園二首時避寇寓揚

賀自湖郡守蒙功賞 七夕有感

次沈艾陵惜雨韻

中秋十三夜雨張容庵宅燕集

十四夜庭酌見月

十五夜周迪齋部使邀飲天寧寺無月二首

會半洲張司馬

周迪齋主政紫金雙壽卷

九日葉省庵邀登功德寺閣

是日移席大明寺

登歐陽文忠公平山堂有感堂在大明寺

九日鄉友約遊瓊花觀以有別約不果赴

北來寺有感寺近驛道爲餞送所

柳塘周尹邀飲天寧寺二首

羣公醵飲予於法海寺

郝寅樓南園訪王翰吉

天寧寺秋夜燕集

瓊花觀無雙亭

再登功德寺閣

再遊西山諸寺

再題歐公平山堂

謁董子祠

謁文山先生祠

三先生祠

蔣公生祠

再登平山堂

火文津宅燕集觀菊

迷樓予扁曰鑑樓

賀張兵憲平寇晉秩

遊山寺尋隋宮故處

乙卯元日次沈國丞韻

燈夕讌會二首

同諸老遊何紹莊園亭

送周主政還留都

次吳郡守遊歐公平山堂登觀音閣韻四首

七言絕句

題邢子小畫

題蘿巖崇義集二首

蜀山登眺四首

書蔣司馬南園屋壁二首

謝葉桂巖送菊四首

胡南塘黃菊圖

又紅菊圖

題甥潘士興扇

題紀墨庄扇

卷之七下

序

賀陳石山邑博被臺獎序

壽濟川張徵君序

送行埜游大夫入 觀序

賀張母壽登百歲序

賀耿西周廣文序

賀游行埜兩荷榮獎序

壽九臯孫大夫序

賀徐節婦崔氏壽七袞序

賀自湖吳大夫德政序

賀自湖郡守政教兼修序

送抑隅劉大夫守思南序

賀周黃墩先生偕魏安人齊壽序

壽白湖吳郡守序

贈汪栢亭僉憲陝臬序

賀明崖張大夫奏功荷
寵序

送陳石山典教臨川序

賀自湖吳大夫奏功膺賞序

叙二程道脉帙

賀澹泉鄭中丞晉貳天曹序

賀晉齋馬侯壽七袞序

叙岷山一派圖

賀葉默庵壽六袞序

賀游君拜銜金吾序

記

唐馬圖記

重建尊經閣記

紀世義

建義勇武安王廟記

竹西草堂記

郡博李秋潭去思記

修惟揚水關記

兩淮轉運司題名記

海門縣築城記

泰興縣築城記

墓銘表

太學生錢明夫墓誌銘

歐村陳君墓誌銘

國學生錢瓊田墓表

明進士文林郎東川李君墓誌銘

明故庠學生崔東山墓表

明勅封徵仕郎中書舍人東湖張公墓誌銘

明興府典膳春山潘君墓誌銘

雜著

讀仲象林歸養牒

書孫氏瑞雲記後

題介第格望雲樓

評東臯嚴子詩

御街行詞贈明崖

題李君南田像



東洲續集卷之上

維揚崔桐撰

竹西葉觀

艾陵沈珠

同校正

五言古詩

贈石山陳廣文

海壖鮮塵軌
儒宮鬱雲征
中有君子廬
跡與賢聖并
春草碧虛牖
平川澹前楹
橫經侶時彥
談道聞希聲
靜修行獨古
營寡情自清
瑩然白壁姿
而遺物我形

中美藹餘馥薦者揚令名英華已遐邇達人守其貞
披襟桃杏風况有雛鳳鳴所求在明德庶以貽後生

別張少南歸蜀

南軒有芳裔雅韻欣無度分符東海隅道阻行多露
懷哉鸞鳳姿而與鷓鴣忤素絲雖易濡白璧良如故
晨昏風木情夢寐雲山路飄然千仞翔安惜卑枝寓
錦水汎清流眉峯振高步著述草亭楊吟酌花溪杜
翻思昔見君猶恨得君暮分手忽睽違神交是何處
悠悠萬里心漠漠春江樹

九日葉竹西邀予泊凌劍山登高

海客芳意多未倦尋幽躅况偕同心朋言采山中菊
九月風氣佳碧草尚繁縟出城十里遙便覺謝囂俗
縹色藹叢林晴光滿川陸冥登龍象宮頰仰得奇矚
楚旭盪瀛東吳山對江北城市鬱煙霞村墟散樵牧
縹緲眺雷塘荒涼慨空谷迷樓失層臺瓊池湮九曲
薦芹六一堂清風良可掬爰誦三妙詞斯人那更復
魚鳥亦高深浮生胡踳踳賴有五泉寒吾纓聊可濯

次葉竹西秋興二首

朔風飄涼颼天高亭榭清冽泉澹浮景佳樹吟秋聲
歲川感雙鬢黃金不可成雲山勞悵望河漢故縱橫

藉子舒吾抱華章珠玉生

霜露萎庭綠曠然炎溽空歌君清商調感我離思中
翹首觀風使傷心閔雨農煩襟抱晨夕岐路况西東
願子共明德何嗟阮籍窮

構居揚城述懷

瀛海歛鯨翻鼓擊溷閭井幽潛淮海南小築憇駝嶺
齋虛賢聖隣地峻煙霞冥砌蘭凝幌香墀草映簾靜
琴碁石上罄篔簹月中影稅駕恍如歸棲心退而省
間有剝啄煩聊得分埃屏耿耿時軫懷曠然仍自整

山遊

抱瘵揜柴扉荏苒春已暮偶緣靜侶招言就芳郊路
蹊遵迢遞岡林入青葱樹頗欣藉有苔未厭行多露
佛宇敞登臨鳥道披雲霧千尋駭俯矚四望紆環顧
鉢龍逐梵飛嶺鷲銜珠鷲煙水滉南冷晴嵐橫北固
農耕塍壟隈漁唱菰蒲處心玄寂境諧景會幽襟悟
促席翹盃遲斜陽未歸去

出郊訪故人

今朝好風日出郊問故人冥冥屋數椽乃在秋雲澗
簷流萬壑水戶對青峰岑相親足魚鳥竹樹况多陰
故人雅懷抱留客鳴素琴話玄白日靜意會濁酒斟

野吹入虛室新涼開我襟揮手別君去報之江海吟
別程松溪

武林昔見君鎩羽天路隔長安再見君萬里雲闌關
廣陵三見君欣欣好顏色借問何所之遙指東山碧
山中絕凡囂宛是神仙宅冥霄敞玉堂金澗散瓊液
眷言懷遠遊况有招隱客林壑夢不驚市城頭易白
賤子聆好音曠然懷抱釋久矣厠迷塗茲焉悟多益
挂帆忽云去佇立空歎息

訪岩洞羽士

愛茲玄洲靜攀躋琪樹林雲臺鬱穹昊玄液滴陰岑

洞中有靜者膝上橫玉琴載鼓鈞天曲繼以芳樹吟
始聽滌煩想再聽澄素心跡竒留不厭景遇樂難任
但見丹丘敞何嗟白日沉只恐出門去雲深無復尋

讀書

侵晨起披衣短髮猶未束忽憶古人言架上拂塵籠
麓啓喜得書浣手捧之讀悠然有冥會樂矣忘昏旭
意倦且拋卷假寐閒亭北自省還自嗤垂白胡緘緘
人生有老少義理無窮足不以此洗心何由軼凡俗

憶故廬

我欲遺俗累結茅蘭渚原雖云飛鳧縣何異白鷺村

雙橋夾流水五島帶柴門林坐蔭空翠泛濤尋海源
睽離再寒暑歸與寤寐存菊松勞想像若月誰攀援
佳期悵何定耿耿繫心魂

庭景

青陽已受謝佳賞滯飄蓬屏居對庭景宛似芳洲東
柴門鎖虛寂琪樹蔭龍葱竹幽暮煙碧砌冷城月通
積素動無垢象遺神自融坐遲命杯酒披襟延遠風
掃軌抱雙膝何異山中翁

秋夜坐庭樹

庭樹鳴涼颼颼颼零秋早迎杯顥氣多月下清陰少

殘葉抱霜微跡枝寂啼鳥那堪噓帖吟聽之令人老

病中負燕遊約

老子嬾出門良覲闕芳會愁來改鬢絲病後驚腰帶
歲月忽云頽江山空似繪緬懷報李言契闊揮金愛
秋颼噓野涼還遲西郊蓋

答湛泉翁寄書并圖刻

我家東海隅君家南海曲懷賢歲蹉跎春草幾經綠
何如大耋翁好音遙見屬圖披見乾坤書中叙寒燠
我本支離人佺然異芳躅十年雲樹心萬里風神掬
杖履欲追隨白雲渺空谷

行園

構宇鶴田西雲林洲水曲出門携良儔步屨紆幽躅
淑氣媚春姿偃仰堪昏旭浮沉羨池鮮瀟灑友風竹
蕙草藉開尊澗泉供濯足雜英吐芳菲鶯語時斷續
予本濩落流厭茲紛麗俗黃鵠豈馴禽白駒愛空谷
藝苑謬登瀛太官虛給粟俯循玩歲年供奉慚啓沃
偶爾謝華簪於焉製初服鍛羽喜蓬棲兀顛思淺暴
願言黎庶安白首其雌伏

喜雨

愆陽麗南土望雨冬徂春舉趾四之日吁嗟待哺人

袷襖挂空壁菑畲揚溷塵官租悵何給困菑安足論
哀哀方向隅藉我良守仁一禱玄昊格豐霖優萬畛
鳩鳴綠楊外婦饁碧水濱伐鼓喧四郊踏歌呼比鄰
豈云欣有秋况登麩麥新父母真孔邇樂只黎庶醇
答鄰父

閱月不出戶閉門春草青剝啄偶隣父曳杖過我庭
贈我白雲調更貽濁酒餅酌酒話披豁執手數丁寧
君非鑿坏者守已何太經人生豈金石寄跡如浪萍
可清亦可濁半醉還半醒停盃載稽首願言鄰父聽
僻性本骯髒寡偶仍零丁勞生苦役役吾馭愛冥冥

未解動爲巧乃知拙者惺釣海愧無餌凡鱗安足醒
遊僊十首

一

冥棲有羽靈鬱鬱清虛闕龍駟迴碧霞舉手捫日月
蹇芳芝圃英瑤池晞綠髮采采羊鬚珠漱齒三光液
春秋任嬾謝寒燠自今昔挑都夜未央下方經幾劫

二

翹跂玄庭駕沈寥赤霄上閭闔絢朱光百靈駐龍鞅
池籞麟鳳遊琅玕萬年長帝臺呼吸通叱咤風濤蕩
點點數空區俛仰窄穹垓清濁隔仙凡誰能齊萬象

三

仙曹絕浮翳城闕青雲埜龍葱琪樹林威鳳棲其下
馭之凌十洲紫極神飈灑空洞玉壺遊濯足銀潢瀉
乃知物外人翛然洗心者寄語區中倫無勞馳意馬

四

幔綺冲佑巔鳴璈方諸側駕言會長春神州開壽域
薦錦蛟人宮奏昉龍伯國列真誦紫霞金簡題丹刻
皇皇喧鷗鼉桂漿渥五色何用魯陽戈羲和長不曷

五

軒轅有遐尚雅好弄雲煙六龍溘萬里問道崆峒仙

廣成豈幻侶而有至論傳勞形啓昧鑰存精昭秘玄
靈筮帝衷悟吹萬遲其年鼎湖馭龍去誰云隨化遷

六

逍遙王子喬迢遞偕浮丘吹笙跨玄鶴翼以丹泉蚪
飛飛駐嵩少玉宇黃金樓紫薇粲言笑萼綠佐遨遊
冥窺九垓下蠕動等蜉蝣三山渺何處雲長不可求

七

吁嗟闐闐羣汨沒空埃裏何如鶴上仙豁落謝氛滓
談真絳雪零拂塵青雲起風翔貫月楂波馭琴高鯉
朝咀三景精暮摘匏瓜紫願言從之遊無令歲華賦

八

神仙豈不樂嗟哉丁令威去去遼東鶴千載始一歸
陵谷幾高下伊昔閭里非乃知人間世燭如石火飛
達人知義命引年甘息機取適有佳竟閉門春草肥

九

曠浪稽叔夜解識玉函書靈圖豈易登知隔幾塵塗
長休未足侶石室迷雲居舍鍛頻顧惜揮策漫踟躇
求玄阻去住爲白成齟齬需柳不復警終焉淪楯樞

十

我夢遊魯林忽登賢聖關俎豆禮周孔冠裳揖閔顏

天潢鶴河圖森列光爛斑羣靈顧我笑授以軼世丹
含精有智水遐舉惟仁山稽首銘我紳縹緲歸人寰
客至

山翁閉門坐有客時登堂隱淪談德壽學士談文章
翁也本踈拙好道未通方但聞徃載言主靜德有常
懋德必延齡玉蘊山輝光心聲豈糟粕中有精蘊藏
嬌節鬪紛靡羣動日我戕抱疴乃問藥川竭流豈長
摘采以離情究竟迷荒唐善慶非二物虛車殊贅肱
充實信中美口耳嗟外揚所以賢聖徒名壽垂後光

次省庵夏日閒居韻

山居野陰合山徑繞籬長習靜養玄默試襟對朝陽
林虛澹忘暑花砌暗浮香好鳥響嘉樹珍鱗泳碧塘
蘭若裊叢竹空翠亦瀟湘列障擁吟榻疊石象雲岡
地偏有遐韻情曠無它腸偃仰鮮疵吝南薰延夕涼
悠然滌景遺無勞河朔狂

七夕詠牛女

商飈已被蘭涼雲澹凝樹間除語砌蛩碧草團珠露
翹首瞰銀潢迢遞天孫路微茫烏鵲橋冥漠鸞輿度
經年兩地心今夕雙星遇悲緒暫成懽芳衷未傾訴
佳逢豈緩期靈偶難遲晤欲別更徘徊褰幃幾留顧

蕭條霧帳虛悽惻絨情素織錦不成章臨流阻重驚
盈盈一水間望望相關處

問駉使

爾離東海濱出門今幾日島夷蝨蝟生官家禦何術
城堦聞四奔傷心老與疾橫羅幾許人煨燼是誰室
壯士甄獎無瘡痍竟奚恤駉使涕漣如語罷更申悉
海若縱鯨鯢天瓢沉稻秫外寇或可逃內寇饑屨客
溫戶寢悲涼疲氓啼枯桎老夫不忍聽攢念情如火
謝使勿復陳書空徒咄咄

七月望夜翫樓月

城角斷麗譙月出市塵滅登樓一以眺已滿嬋娟
簾櫳既虛敞俛仰何超越遠岫碧煙沉近郊素練
燦爛搖星河參差辨樹石玉毫驚鵲翻金氣啼蛩切
病辭杯酌諠靜覺襟懷適雖鄰闐闐區宛似山林潔
悠然生道心良用我觀物乃知夜氣清真於旦晝別

七言古詩

息齋竹

昔予吹簫過洞庭千頃琳琅入深竹拂袖歸來卧故
廬便覺胸中塞塵俗偶訪江淹披此圖瀟灑風前一
枝綠自是江仙調不几移得湘潭置書屋徘徊妙契
心神裏耳邊彷彿秋聲起怨瑟啼娥寂不聞分明半
壁清泠水頓使炎歎失海天蜃霧狼霧淨如洗聞雷
只恐化作龍飛騰直上丹霄中

嫦娥抱玉兔圖

九閔冥漠帝宇通玻璃千頃圍瑤宮仙馭遙乘桂子

風天香兩腋飛其中藥搗瓊華兔亦雄冰姿雪骨朱
雙瞳仙娥抱翫勤愛惜玉毫光射三萬尺凜凜寒生
銀浦隔羊鬚露結金墓濕於乎但願仙娥休棄擲照
曜人間長夜白

羅漢把蓮花圖

東海中區北海濱天毒獅子能談真自從蚩尤夸父
死應龍舞劍帝所嗔遂令此獅開覺路手把蓮花淨
世塵蓮花吐焰射幽僻太華峯頭空百尺西方四照
那比數燭龍銜日分光澤破膽明肝神鬼驚蠶蛭窮
奇咸辟易於乎吾道堂堂路不迷安能入社攢雙眉

壽孫桃源

孫登自是神仙客曾入層霄舞雙鳥笑別桃源洞裏
花歸來高卧深山碧白首相逢東海頭招携斗酒醉
江樓還期汗漫同乘鶴飛向蓬萊頂上游

張侯贈古劍歌

張侯遺我九臘之古劍云是飛來西極國芙蓉三尺
出寶韜烈烈風生如有翼素質幽含白帝英橫紋頽
露蒼龍色憶昔飛廉煽歐冶齊液昆精翠濤瀉錕藻
輝焯走紫虹煨輝錯落飛星馬鮫鐔龜鏗魑魅驚赭
虎朱羆不能把諦觀此劍妙化工合與歐寶爭其雄

年來慘黷滿寰宇妖蛟跳舞蓬瀛東我欲揮之佐天
討么魔照見天吳宮長倚鉉關奠五岳奏膚京觀怡
重瞳神物從今頻拂拭莫教塵蝕豐城側

醉舞歌

山翁醉傍月明裏蕭颯天風生兩耳間階雲徹靜如
洗闌干露冷銀河徙縹緲樓臺夜還倚長空一片流
璃水婆娑鶴舞當筵起玉繩倒影橫檣綺卻笑盧敖
逢若士飄颻欲覓希夷子玄洲共拾長春藥蜉蝣嘆
世辭勞滓賓主東皇千萬紀

山水圖

蒼山萬里神州壑絕壁崦巖巨靈鑿靈光煜爚不可
近仰面恍惚虛崖落岬顛老檜懸槎牙開遍盤溪幾
度花玉洞玲瓏吐雷雨珠潭滉漾藏龍蛇雪屋冰簷
翳綠林仙家白晝長陰陰猿聲啼斷山鬼泣丹煙深
鑱杳鼯吟石鼎瑤梯在何處威紆不借漁樵路顛氣
濛濛祇見雲山月谿風自來去

風樹嘆

長風歲晚朔氣迎吹我紫檜茆堂前初疑樹老欲變
化龍爭虎鬪雷霆纏更疑怒鯨吹海立奔濤滾滾翻
樹顛出門忽訝鶴巢墮葉飛枝拆檜將卧呼兒撐拄

風轉烈無力支吾日云暮老夫倚杖空嘆息記得少年手親植間階祇見苔蘚封捲簾頓失凌霄色吁嗟神物自有靈獨汝寥落鄰滄溟萬年枝上宿鸞鳳何不乘風凌玉庭

錢玉山東歸狼山

錢星郎美且揚冰姿玉貌何昂藏肩被修髯三尺強飛飛鶴馭遊雷塘瓊花零落留不住東歸瀛海騎白狼狼峰巖巖冥與天通足躡清虛捫星虹謁帝笑把雙芙蓉悠然坐月山腰閣天風兩鬢蕭蕭落

羲之觀鵝圖

右軍走筆龍蛇飛黃庭書罷籠鵝歸對之翫弄坐林樾幽姿鶴鶴明朝暉此禽不與凡禽列月鷺雲鸞爭皎潔刷羽蟠峰穴裏泉羞比蔡州城下雪

泗涯圖

月色簫聲泗水橋文光燦爛星辰搖清流一脉帶銀浦玻璃蕩漾春迢迢仙人愛折金星藜笑指崆峒千尺水鼓棹高歌醉三桃風鶴一聲天似洗

黃墩封君壽意圖

紫金截嶠雲根起光纏度索千萬里山翁茹桃棲碧霞花開花落無窮紀曆英迴旋玄暑中滌伐毛骨顏

如童斑龍爲馭躡芝圃金鵝拾藥元瑤籠名題仙籙
長不老幾驚蓬海飛塵眇獨對孤南締舊盟鼓柘一
聲天地小

紅梅圖爲明崖臺憲題

此梅誰貌太奇偉根出瓊厓沃丹水鉄幹能辭桃李
羣珍葩半入煙霞裏萬顆驪珠綴滿身錯錯落落如
有神燭龍銜日借顏色若木照地生陽春孤山老仙
心有托凜凜清風霄漢薄他日含章殿上看一枝須
寄揚州鶴

仲昭竹爲葉生題

吳中老僊夏太常渭川千頃胸中藏昔年騎鶴過淮
海竹西亭下曾徜徉亭隈萬竹恣幽矚秀色玲瓏一
林玉根古蛟龍曲屈蟠煙銷翡翠參差綠仙翁妙思
奪化工貌得龍孫梓練中月影蕭森映冰石霜枝磊
落飄天風只恐聞雷留不住飛騰滾滾碧霄去

海鷹圖

怒濤薄空雲霧賒崖石砮砮中唘呀猓獨獺奔狐蹠
蹠飢鴉攫腐烏啞啞此禽獨抱金精氣星眸玉爪戩
爲翅風颭霜秋萬里心聲雄碧海羣妖避憶昔帝庭
命爽鳩羽儀楚楚鸛鷺遊何似愁胡祗孤立青天日

夜東溟流

陸雲湖萬菊圖

彭澤雲仍清似玉筆端獨妙陶家菊此翁遠意真入
神不貌東籬貌甘谷簇簇芳英蔭石淙重重素錦圍
瓊竹纈眼霜姿深徑連含煙澹景南山曲故人携贈
鷺練開滿堂秋色清風來萬種斑斕迷指顧一川迅
駛驚盤迴險絕不容樵子路杳冥定有神仙臺我欲
凌飈一飛去采之踏遍青谿苔

五言律詩

過江子書屋

曲巷尋幽境虛齋爲我開瑤華披卷帙庭翠對蓬萊
崔顥登樓興江淹夢筆才銜盃話今古涼月上雙槐
再答江子

徑側綠雲入堂幽傍水開壘山防礙月愛竹爲鋤菜
翰灑羲之墨詞驚白也才趨庭有雛鳳還好植三槐
答王端溪宗伯見懷次韻二首

心學王宗伯官閒只著書偶傳天上使忽到野人廬
翰墨流緇帙輝光照石渠爲君一舒展勝讀十年餘

地僻炎歊隔林虛海氣涼入雲
試竹密引水灌花忙
已謝燕臺築何嗟楚醴忘江天有山斗獨媿未升堂

用前韻答葉省庵沈艾陵二年兄二首

南北翻鯨海風塵急羽書杜陵新
上築彭澤憶吾廬
種竹期開徑通泉旋鑿渠年來真潦倒卧穩不求餘
兩翁敦古行看世笑炎涼已抱龍蛇志能隨燕雀忙
賞花詩有約擢桂誼難忘擬共携盃茗時登對月堂
方石橋用端溪韻贈予次韻二首

武林今代牧滿腹古人書日月辭天仗煙霞愛故廬
鑿山開翠牖種竹蔭渠詞賦登臨罷高眠白晝餘

雲塢吟秋月風林借夕涼阮生爲白慣楊子著書忙
野意終成僻機心已坐忘知君有遐韻幽卧戒垂堂
次石橋見贈韻二首

芳草幽人夢青山故國心風塵淹歲晚雲霧入林深
養拙還顏巷忘機已漢陰調元耆舊在誰復望爲霖
歲暮龍蛇隱山深虎豹驕已飛青海箭更困赤輪焮
糧絕悲淹蔡書傳望破聊風塵紛驛使慚媿擁雙翹
次沈艾陵詠庭花三首

黃葵花

草樹休文宅秋葵隔檻開黃裳嬌著雨縹葉澹無埃

衛足防風妬傾心任蝶猜吟餘一徙倚此意更悠哉

波斯鷄冠

獨尊攀鷄頂峩冠簇錦紅宋牕疑解語韓賦讓平旌
種出烏蠻異形粧絳幘同函關休早唱
聖主正平戎

鳳仙花

佳卉移何處芳叢咫尺高葉搖神女珮花簇鳳凰毛
翠尾休誇竹紅姿未數桃莫教隨弄玉吹笛去仙曹

海棠

深藥曾題品名傳第一花珠懸紅酒露錦簇彩流霞

種出丹山窟根隨碧海槎仙姿清更艷何用暗香護

竹庭鶴

自是瀛仙馭真宜伴此君凌風拂翠浪警露濕湘雲
戛玉音同調侵堦影共分王喬應跨汝吹笛入清氛

風折竹

別館新移竹初看翠灑然根踈宜著雨葉細半含煙
風伯何相妬龍孫忽訝眠恐非庭榭物欲杖地行仙

夜坐

風榭倚明月悠然生道心繁陰碧樹靜暮景綠池沉
衣滿煙霞色琴調山水音坐遲仍偃仰聊得洗煩襟

寺飲值風雨

龍象呼雷雨層陰楚甸連珠林沉海氣瑤殿響山泉
波漲青蓮宇涼生白社筵莫教賓馭散清夜絳河懸

同王內翰觀雨竹

閒庭看雨竹曖曖翠陰多疑染湘妃淚還凌渭浦波
影歛龍杖冷聲滑鳳笙和此意真清絕王猷興若何

苦雨

幽居偏厭雨一月不開晴昏黑蛟龍鬪飄揚鶴鶴輕
衣添猶怯冷琴潤尚餘清客况何由遣床頭有酒觥

暮秋對菊有懷

野翁籬下菊秋暮減芳菲對酒辭深酌懷人獨吟扉
哀蛩啼露草嬾蝶怯霜飛急景誰能駐空嗟樂事違

雪夜見月

雪夕真竒絕雲開月滿城山河渾一色樓閣浸雙清
銀海含珠動冰輪碾玉行乾坤長不夜吟嘯快平生

同隣翁過謝山人

幽人棲隱處湛景暮秋偏聲動含風竹涼生浸月泉
偶偕隣父約聊共碧山緣把酒話今古雲林意頗玄

五言排律

平寇二十韻

東土艱虞邁塵霾斥鹵陬驚沙吳楚合妖焰海天浮
山岳生秋色關河蕩濁流民生棲草露活計泛波漚
虎竹雄開府鷹揚奉廟猷翠旂麾電馬赤羽拂星
郵壯志雷霆激神威鬼魅愁犯霜金鎖甲迎日玳
鏊破膽驚風鶴焚巢烈火牛奔鯨俄掃跡穴虎更冥
按蹴踏腥膏血縱橫卧髑髏七擒真妙筭五噫不須
憂鼙鼓村無驚畝畝稼有收籌邊奇頗牧偃武誦伊
周積隱拯塗炭膚功獻冕旒寔區喧舞躍婦孺總歌

謳彩錫恩光渥泥封禮數優勲庸周鼎重儀像漢臺
留鴻鴈欣新集鷦鷯豈外求 皇圖占永固千載奠
神州

送曹貞庵七丈令賀縣

百粵昭潭路分符列宿郎江山天繪出灘樂海流長
桂嶺喉襟壯梧灘水石蒼洞虛鍾乳濕風煖鬱金香
夫子淮揚彥聲馳翰墨場搏霄歛雲翮飛鳥到炎鄉
荔子亭供翫檳榔槭借涼垂簾閒日月摘藻絢輝光
興學文翁化勤農杜母良天階豈萬里循吏重巖廊
月夜庭坐

良宵聊燕坐愛茲明月庭澹影閒階前層陰嘉樹青
光凝玉露檻涼浸翠雲屏琴罷風嫵歛杯遲桂子零
飛飛驚宿鳥點點數流螢景愜心逾遠棲幽意自冥
淡交人不厭簡出戶常扃只恐逢漁父無端笑獨醒
歲暮感懷簡葉沈二同年二十韻

簡拙甘林隱艱危老更罹壯圖吾已矣歲事况凄其
百感縈心緒煩襟改鬢絲居鄰東郭伴文恐北山移
株守驕人誚塗岐靜者悲頽流嗟曼羨直道敢磷緇
白首懷疇昔青雲得故知才名葉夢得藻思沈佺期
擢桂層霄殿看花七曜達銘心真管鮑樹績望臯夔

鴻鵠程終遠。駑駘力易疲。帝臺辭日月。瀛海偃萌芽。
蓬卧仍貧病。商歌任渴飢。豈知龍劍合。還慰鴈行私。
雅韻曹劉調。秋懷屈宋詞。揮金杯爛熳。灑翰墨淋漓。
不厭愚公術。何妨醉尉欺。竹林延二美。藥裹祛三尸。
節性機恒息。山深嬾正宜。多君美無度。未倦日追隨。

七言律詩

歸隱聞龔何二中丞薦

歸隱

三十餘年混世塵。老來天賜作閒人。門庭不出常
懸履。梅菊相親懶著巾。野性習成林壑態。疎才元愧
廟廊珍。空勞卿相求賢切。衰朽那堪近紫宸。

壬子新正試筆

清債

一聯

七十四番春色過。此生清債未銷磨。眼明轉覺嫌書
少。頭白何曾避酒多。呼僕灌花情繾綣。抱孫啖果手
摩挲。閒庭風月人稀到。門揜青山自嘯歌。

遊陸山人園林

清債

懸履

子履

北渚還尋舊酒徒。便鋤春菊共村酤。丘園晚歲憐知
已。梧竹餘陰待老夫。已聽綺琴山海調。更移蘭艇水
雲湖。看君雅有凌虛氣。野鶴翩翩不受呼。

中秋夜酌

陸三

中秋圓月度銀河。海墅清輝較倍多。玉樹生寒驚鳥
鵲。金盤流彩抱鼯鼯。關山遠調誰家笛。絃管芳尊子
夜歌。明歲陰晴渾未定。佳期端擬問嫦娥。

後園種竹

雲當

舍北園林怡暮齡。篔簹只少萬竿青。偶從村落移佳
種。忽訝瀟湘近草亭。春意纔沾酥雨足。清陰時覺翠

煙。更須移榻叢深處。卧看新芽入紫冥。

通城十友醵飲子奉謝一首時避寇寓通

故園耆舊清秋燕。我亦過逢共此期。客比香山添二
老。味沾飴露勝三危。侑觴歌舞翻紅袖。接席衣冠總
白眉。醉後不知歸路晚。鷺巾鶴氅笑離披。

遊曹子貞園亭用前韻

少年杯酒遨遊處。歸老重來豈後期。徑繞石欄鳩杖
熟。巖懸玉樹鶴巢危。半城河漢涼侵骨。隔檻篔簹翠
映眉。地主况逢曹子建。好懷還向故人披。

通友邀登狼山四首

味主美共三危之酒
有青鳥為王母所食

三危山

初至山腰官閣一首

千古名邦應斗躔。澄江瀨氣五峯連。望迷煙際疑無路。行到山腰忽半天。瑤石砌迴丹榭隔。珠林樹鎖碧崖懸。更須絕頂虛無處。一笑凭欄思灑然。

登山樓二首

珠龕綺閣青冥上。老眼憑虛興不孤。龍湧潮聲歸洞濕。鴈涵秋色入雲無。幽燕天迥瞻星斗。吳楚江分對畫圖。海內壯觀經大半。好懷還向此中舒。

江山吾土雄形勝。野老登臨意欲仙。天近鸞峯摩日月。風生鵬背俯雲煙。乾坤都會蓬萊外。南北奇觀杖履前。鎮日徘徊吟不盡。翠微還擬借高眠。

暮歸麓行觀山後諸景一首

倒下亭臺兩屐旋。逶迤溪徑遶龜田。山驚蓬島平分石。江隔銀河半礙天。幽洞龍蛇雲霧鎖。田碑蝌蚪古今傳。徘徊欲入詩囊去。風落鐘聲報暮禪。

寇退東歸凌劍山贈芍藥二本戲謝一首

寇來兩月笑羈栖。寇去仍移芍藥歸。垂老探花心尚在。乘春藉草願能違。已占佳種勤培植。擬待開時細品題。瑤砌朱欄深院裏。儘堪盃酒對芳菲。

九月移牡丹

韵絕

園亭秋事已闌珊。賴有山翁贈牡丹。殘葉未辭寒月去。新芽先借隔年看。蕭條暫作黃花伴。愛護須圍碧玉欄。擬待春風吹爛熳。還呼舊主罄交歡。

九日修庭菊志喜

偶緣避寇遷城郡。兩月羈栖始到家。彭澤尚存籬畔菊。草堂不是郭西花。步庭月下聊成趣。插竹風前為整斜。憐爾遲開如有約。芳菲留與主人誇。

壽邢尹

曾捧除書下玉墀。功成身隱白雲涯。河陽春色花千樹。彭澤清陰柳五枝。南極輝光連列宿。東山雪月照

仙。庭野翁亦是蓬瀛客。為祝長生不老詞。

遊蔣東瀾侍郎南園二首時避寇寓揚

曲池雙圃小蓬壺。月榭風樓儼畫圖。栽竹徑還開蔣詡。看花車更度堯夫。林虛鶴夢驚棋局。村近漁歌起渚蒲。歲晚自憐逢故舊。可能携榼數招呼。司馬樓臺綠野連。登臨多景酒盃前。東瀾海氣平浮楚。北固山形迥抱燕。楊柳午陰含几榻。芙蓉淺水繞雲煙。知君愛客交歡罄。醉後還容伴月眠。

賀自湖邵守蒙功賞

漢代吳公獨擅名。熊車君更謝承明。心緣報主愁

千種髮爲憂民白幾莖銘績出彝勞太史折衝尊俎
屬書生欲知賢守鏡恩澤試聽謳歌處處聲

七夕有感

銀漢迢迢玉露飛雙星今夕共蘭幃每嗟人世佳期
少何意天孫樂事違雞唱曉籌催海日風迴仙馭冷
雲衣揚州有客生秋思愁聽吹簫人未歸

次沈艾陵惜雨韻

何事山翁白髮生晴空長見赤輪行陰連雲漢三農
望愁入郊墟萬里情午夜豐霖當歲杪幾時枯壤著
春耕懸知天意終仁愛好待來秋報有成

中秋十三夜雨張容菴宅燕集

雲月朦朧未半秋將軍携客已清遊百年幾度看圓
魄今夜何嫌闕半鈎斜壁暗含烏鵲樹側輪低度白
蘋洲吳歛楚舞交歡罄未道張衡有四愁

十四夜庭酌見月

未圓三五中秋月已見長空宿靄收皓魄佇看明夜
滿清光何惜一分留金輪晻曩黃昏燕玉宇虛無白
晝遊呼酒已拚排旅况可堪啼鴈過西樓

十五夜周迪齋部使邀飲天寧寺無月二首

中秋雙樹樓前燕喜徹炎熇雨意多况結含香星使

社不妨携伴月卿過仙葩露濕飄丹閣蟾魄隨雲度
絳河却憶塞垣今夜客霜笳聲咽意如何
濂溪芳裔饒秋興愛客筵開惠遠家蟾月影沉含寶
月桂花香暗逐天花清才定擬登樓賦遠思還凌犯
斗杓寄語纖阿須解事嬋娟休遣片雲遮

會半洲張司馬

三十年前同躍馬容顏今更謁龍門看花舊好人長
別伐木高風老尚存春省直清虛翰墨霜臺節制半
乾坤

元重南顧思方朔六月東征慰

至尊

周迪齋主政紫金雙壽卷

不公祥陰春風暮金母玄冬設悅年綠髮酡顏遲歲
月靈椿瑤早兩神仙鳳臺遊子含香客鶴筭馳情獻
壽筵他日長卿歸駟馬 褒章光動紫金妍

九日葉省庵邀登功德寺閣

隋水迥浮疎柳外蜀山連抱梵宮斜披雲偶入諸天
界携榼不尋九日花海嶽倚欄回白首樓臺呼酒隔
青霞茱萸灣畔秋光好乘興還須步軟沙
是日移席大明寺

丹閣嵯峨碧落懸登臨野望入遙天風塵陵谷前朝
迹雲樹人家萬井煙極北

朝廷牛斗上江南山水酒盃前月華滿地歸來晚童
冠廣歌十里還

登歐陽文忠公平山堂有感堂在大明寺

曾入岷邪步後芳翁亭瞻拜借輝光偶登勝地三千
界還見平山六一堂梁代緇衣空廟宇宋儒金櫃尚
文章模糊醉眼徘徊暮望斷遙空白鴈行

九日鄉友約遊瓊花觀以有別約不果赴

日傍漁溪坐碧沙尋幽著處問仙家暫辭綠野堂前

月來訪玄都觀裏花重九偶違朋舊約無雙空自古
今誇登臨且醉山中菊明日還來步紫霞

北來寺有感寺近驛道爲餞送所

覺路透迤步紫苔禪關遙傍碧流開經馱白馬西天
外僧踏青蓮北極來臺榭轉成遊賞地笙歌長送別
離盃何如移入深山裏龍象虛無絕點埃

柳塘周尹邀飲天寧寺二首

冥冥金地懸雲構曲曲城東覺路通池淨琉璃開勝
會幢飄葆羽引羣公珠龕斜度龍宮月玉笋清含鷲
嶺風傾坐自慚非重客招携何以答臨卽

河洛風流憶往年鶴城高燕尚依然偶披雲霧三千
界更會者英八九仙珠月生輝搖紺閣天花散彩滬
青蓮海翁雙屐尋幽慣未道登臨不及前

羣公醵飲予於法海寺

窈窕城西草樹灣羣英結駟到禪關玉虹橋下溪連
海金鷲雲中殿抱山深竹筵開苔石淨曲欄人醉月
亭閒徘徊不盡登臨興風落鐘聲送客還

郝寅樓園訪王翰吉

曲徑逶迤臺榭幽蕭蕭雲竹住王猷涼生深院全無
暑陰落雙梧欲報秋滿架圖書仍玉署隔欄花石亦

流洲多君雅有滄溟興月色黃昏共上樓

天寧寺秋夜燕集

東林深鎖法雲閒蓮社筵開縹緲間明月浸堦秋似
水絳煙籠閣夜如山金猊香盡人猶賞玉樹涼生
欲攀冠蓋紛紛歸路晚滿城殘柝令開關

瓊花觀無雙亭

花品無雙重古揚清姿九蘂綴琳琅翻堦紅藥羞春
色奔月嬌娥拚素粧仙魄已隨鸞鶴去餘芳猶付蝶
蜂忙玉堂有客頻相訪踏遍雲霞羽士廊

再登功德寺閣

葉落霜梧報素秋。角巾藜杖一登樓。南冷渺瀟浮京口。北嶺盤紆抱石頭。兩岸煙花吳楚合。幾朝陵谷古今愁。傷心欲試雙龍劍。一掃蓬星沴氣收。

再遊西山諸寺

碧山有約賦歸田。隨處登臨問野禪。一曲梵王樓上月。數盃林叟杖頭錢。蓑披薜荔和雲舞。巢借松杉伴鶴眠。吟罷倚欄舒倦眼。萬家煙樹翠濤連。

再題歐公平山堂

光搖奎壁照維揚。曾擁旌旄駐此堂。楚水吳山分氣象。天葩佛日總文章。千秋遺迹簷楹古。三妙留題翰

墨香

堂有蘇軾秦少游劉敞三公詩飛去仙翁招不返。望迷煙樹澹

斜陽

謁董子祠

芳祠肅肅俯平蕪。遺像陰陰鑲碧梧。身遠廟廊辭漢主。光寒星斗照江都。天人空自陳三策。誼利從來混一途。昭代歲時還俎豆。文旌千古仰名儒。

謁文山先生祠

丞相祠堂曲水邊。薦蘋瞻拜思悽然。兩朝夷夏山河改。萬古綱常日月懸。壯氣儼如扶宋日。傷心莫問渡江年。腥膻已盡忠魂在。留得丹青到處傳。

三先生祠

胡安定 瑗 李樂菴 衡王 竹西居正 並以理學名

同秉文旌重昔賢。陰陰祠廟翠微懸。山河氣壯三靈合。洙泗流長一脉傳。蘇館杏桃湖院種。竹庭風月樂庵連。我來愧乏蘋蘩薦。聊酌山中第五泉。

蔣公生

曾捧麟符到鶴城。棠花陰滿踏春行。身緣起國千金許。官爲憂時一羽輕。開徑竹邊人已遠。吹簫橋上月還明。祠堂凜凜儀容在。歲薦蘋蘩赤子情。

再登平山堂

歐翁昔日行春處。蠹蠹堂虛入望平。檻外林霏低草

樹。江南山色對簷楹。百年風月留芳躅。千古文章啓後生。興馬欲尋來往路。野棠花落螭蛄鳴。

火文津宅燕集觀菊

光祿仙翁錦席開。東瀛有客杖藜來。愛看冬月還花菊。共醉重陽未盡盃。清艷滿庭圍曲檻。幽香萬縷散層臺。知君定有延齡術。采釀長春不老醅。

迷樓子扁曰鑑樓

樓名何事改標題。爲洗隋朝舊日迷。簾捲兩儀分氣象。臺虛萬里見端倪。翠華塵斷孤鴻外。白社僧閒曲水西。自是登臨好情景。不辭朋舊數招携。

賀張兵憲平寇晉秩

赤旃獵獵駐東瀛
虎旅桓桓擁重兵
天上霜威瞻節使
黔中風采動先聲
橫戈蚤破羣夷穴
錫寵新誇萬里城
豈謂禁中無頗牧
羨君緩帶一書生

遊山寺尋隋宮故處

昔人曾此醉笙歌
有客重來意若何
九曲池邊春事杳
三生石上怨冤多
墓田隧古埋新骨
官柳堤荒蔓野蘿
歸去肩輿明月裏
欲將今古問嫦娥

乙卯元日次沈國丞韻

社友新裁元旦詩
堯蓂一葉乍舒時
占年雨入蕪城

足應律風從黍谷吹
芳草韶華先有約
春山杖履定忘疲
共君常作東皇主
造物元來是小兒

燈夕讌會二首

鶴城燈火誼元夕
春色偏多滿月庭
綃障綉縕流碧彩
珠宮錯落爛丹青
鳳膏煙煖氎氍毹
蟬翼光分翡翠屏
况是海波風定日
嘯歌聊醉玉卮醺

微茫銀漢虹橋路
縹緲蓉城鳳女簫
珠碧鏤絲圍玉盃
金丹點水隔冰綃
競花鳥雀雲屏見
疊影煙霞桂棟飄
昨夜東風露消息
一簾春意在梅梢

同諸老遊何紹莊園亭

東坡先生集卷之三
碧榭朱樓窈窕開。曲欄紅徑巧盤徊。百年芳草初來客。一度春風共舉盃。榻穩借眠閒歲月。林幽疑入小蓬萊。揚州何遜梅花在。試聽高歌步錦苔。

送周主政還留都

古詩送別例

折柳隋堤春暮餘。停盃把袂意何如。臺虛上國還迴鳳。江近南冷好寄魚。畫省香爐迎使節。蕪城冠蓋擁翹車。司徒試問經年績。了却公輸秘著書。

次吳郡守遊歐公平山堂登觀音閣韻四首

滿郡煙花宿沴收。朱幡登眺快雙眸。朝暾已霽青郊雨。遠興聊親碧水鷗。節駐古堂山斗近。尊移高閣海

天浮。徘徊問俗遲歸路。月色前村澹半鉤。

晴郊眺望翠煙收。駘蕩春光盡入眸。陰滿野棠停五

馬。雲閒遠浦對羣鷗。梵王閣迥東瀛近。歐老堂開北

固浮。卻羨笑談尊俎裏。壯懷還拂舊吳鉤。

啼鳩催春春欲收。郊行聊復敞吟眸。尋幽不倦山公

馬。遠思還盟海老鷗。蜀水濩田時雨足。隋宮迷草暮

煙浮。憑虛頰仰堪詞賦。簾捲斜暉未下鉤。

專城勲業已全收。山水經行醒倦眸。淑氣滿懷飛野

馬。閒情一片寄汀鷗。尊前碧嶂寒仍繞。樹裏煙村澹

欲淨。歸路夜闌斜月下。珊瑚露冷濕雙鉤。

七言絕句

題邢子小畫

飛鳥歸來住碧山
罷琴獨伴白雲閒
靜中此意無人
解泉落松崖月照灣

題蘿巖崇義集二首

芳編義帙試吟哦
處士高名感慨多
何事種桃人寂
寂祇聞春意滿巖蘿

愛溪杖履度幽人
沃灑荒原白骨新
未道周文遺澤
遠等閒麾手亦陽春

蜀山登眺四首

紺宇登臨最上頭，憑欄傷古思悠悠。
大明天地清如水，好改迷樓作鑑樓。

丹梯一上思飄然，杖履虛無忽近天。
半醉玉山猶未倒，斗牛斜挂曲欄前。

高旻晴彩漾層臺，望入清虛海嶽開。
兩岸烟花吳楚合，漫招空翠過江來。

翠野涼生灑氣飄，王孫芳草馬蹄遙。
模糊醉眼忘歸路，知過吹簫第幾橋。

書蔣司馬南園屋壁二首

六月六日苦炎熱，春卿遙過夏卿家。
坐君林樾不歸

去爛醉滿頭橫插花

是日主人以花簪客

當年俊逸六司馬，花月樓虛吟碧峯。
怪底隱君多逸韻，繞溪煙竹映芙蓉。

謝葉桂巖送菊四首

九日登高菊未開，美人秋杪送花來。
頓令客舍生顏色，萋萋清香入酒盃。

霜花嫋嫋倚闌干，金簇芳叢粉作團。
分付莫麾殘蝶去也，粧光景與人看。

西施一種絕羣芳，綺靨仙姿淺淡粧。
昨夜影搖屏燭下，恍疑月裏舞霓裳。

秋襟坐對水晶簾更有幽花送桂巖若得白衣還送
酒想應爛醉老陶潛

胡南塘黃菊圖

霜飛木落歲華空賸有幽葩妙化工正色不隨紅紫
伴一枝清絕領秋風

又紅菊圖

陶家自愛滿籬黃何事南塘貌艷粧祇爲秋容太寥
落故分春色爛文章

題甥潘士興扇

潘岳聰明絕代姿文章麗藻九重知吾甥宅相應成

得也占蟾宮第一枝

題紀墨庄扇

春水桃花半亩庄綠槐陰護草玄堂何當夜氣千牛
斗人道君家卓墨光





